



KUERPO POLISIAL KÒRSOU

Telefòn: 866-6150 • 866-6152 • 866-6153 •

866-6154 • 866-6156 • 866-6158 •

Fax : 869-6639

E-mail: pr.polis@polis.cw

Wèpsait: www.polis.cw

Adrès: Winston Churchillweg z/n • Willemstad • Curaçao

KOMUNIKADO DI PRENSA

110 / 2017

9 april 2017

Tiramentu ku dalmentu i 2 herido

Djasabra 8 april 2017 alrededor di 04.30 'or polis a keda notifiká ku na e krusada Schottegatweg West /Sto. Domingoweg un outo a bòltu i ku e shofùr ta heridá. Na e sitio polis a bin topa ku un hòmer nasé na Kòrsou 31 aña di edat drumi abou na suela ku a deklará ku ta e ta e shofùr di e outo. E hòmer aki tabata keha di doló na lomba i tabatin un kap na su kabes. Tambe polis a konstatá ku e 'vangrail' na e sitio tabata tin daño ku probablemente e outo aki a okashoná. Tambe polis a haña un kantidat di 'huls' na e sitio.

Kontinuando ku e investigashon den e kaso aki polis a haña informashon ku tabatin algun vehíkulo mas ku tabata koriendo ku velosidat haltu riba e mesun kaminda aki na e ora ku e aksidente a sosodé i ku tabatin bashamentu di bala.

Bou di guia a transportá e shofùr di e vehíkulo aki pa poliklínika di hospital pa tratamentu médiko.

Alrededor di 04.43 'or polis a haña informashon ku dos(2) hòmer a yega poliklínika di hospital ku herida di bala. Kontinuando ku e investigashon polis en bèrdat a bin topa ku un hòmer nasé na Kòrsou 32 aña di edat ku herida di bala na su brasa i un otro hòmer nasé na Cuba 28 aña di edat ku tabatin herida di bala na su nèk i barika. Situashon di e víktima aki ta di preokupashon.

Polis a haña un SUV ku tabatin perforashon di bala tantu pafó i paden. Den e vehíkulo aki tabatin basta mancha di sanger. A konfiská ámbos vehíkulo pa mas investigashon.

For di un investigashon preliminar ku polis a realisá, un di e víktimanan a deklará ku nan tabata kore tras di otro i dado momento 2 outo a pasa i basha bala riba nan ku e konsekuensianan ariba mensioná. E otro víktimanan no kera duna koperashon na polis.

E investigashon den e kaso aki ta kontinuá.

Nota pa redakshon – no pa publikashon

Pa mas informashon bo por tuma kontakto ku Departamento di Komunikashon i Prevencion na e numbertan di telefòn ariba mensioná.

Orario: djaluna pa djabièrnè di 8.00 – 22.00 or';
djasabra di 9.00 – 13.00 or';
djadumingu di 18.00 – 22.00 or'.

Por yama durante di dia pa hasi entrevista i **despues di 22.00 or'** por tuma kontakto (ku Bosero i Hefe di Departamento di Komunikashon i Prevencion) na number di telefòn 510-2715.